



Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Broj: 10-04-49840-14/26
Sarajevo, 09.09.2026. godine

-SKUPŠTINA KANTONA SARAJEVO-
-Služba za skupštinske poslove-

PREDMET: *Odgovor na zastupničku inicijativu, dostavlja se*

Zastupnica Mersiha Mehmedović je u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 i-Ispravka i 47/24), u okviru 25. radne sjednice Skupštine Kantona Sarajevo **uputila zastupničku inicijativu**, u kojoj se traži da se roditeljima u Kantonu Sarajevo omogući pravo na besplatno obrezivanje muške djece, bez obzira da li je zahvat indiciran od strane doktora zbog urođenih anomalija ili drugih komplikacija.“

U vezi sa postavljenom zastupničkom inicijativom dostavljamo sljedeći:

ODGOVOR

Ministarstvo zdravstva Kantona Sarajevo je na osnovu vaše zaprimljene zastupničke inicijative proslijedilo istu, prema zdravstvenoj ustanovi Klinički centar Univerziteta u Sarajevu.

S tim u vezi ovim putem vam dostavljamo pismeni odgovor kako slijedi, akt broj: 55-03-4-19888-2/26 od 04.08.2026. godine - KCUS.

Kopija akta u prilog akta.

S poštovanjem,



MINISTAR

Prim. Mr sci.

Hasanović

DOSTAVLJENO:

1. Naslovu
2. Stručna služba Vlade KS
3. a/a

**KLINIČKI
CENTAR
UNIVERZITETA
SARAJEVO**

3048
Anina
10.08.26

Broj: SS-oh-4-12888-2
Datum: 04-08-2026

PRIMIO	06-08-2026
Opis tehnika	10 04 49840-109

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZDRAVSTVA
N/R MINISTRA, Prim.mr sci.dr med. Enis Hasanović**

**Ul. Reisa Džemaludina Čauševića br.1
71000 Sarajevo**

Predmet: Odgovor na zastupničku inicijativu
(Veza akt br. 10-04-49840-14/25 od 08.06.2026.godine)

Poštovani,
vezano za zastupničku inicijativu zastupnice u Skupštini Kantona Sarajevo Mersihe Mehmedović, u kojoj se traži da se roditeljima u Kantonu Sarajevo omogući pravo na besplatno obrezivanje muške djece, bez obzira da li je zahvat iniciran od strane doktora zbog mogućih urođenih anomalija ili drugih komplikacija, u prilogu dostavljamo izjašnjenje Klinike za dječiju hirurgiju br. 16-45-1-24687 od 27.07.2026.godine.

GENERALNI DIREKTOR
Prim.mr sci.dr med. Enis Hasanović


Prilog: Kao u tekstu

Co:

- Služba za pravne poslove
- a/a

10076

Želeo 9

**KLINIČKI CENTAR UNIVERZITETA
U SARAJEVU
Hirurška disciplina
Klinika za dječiju hirurgiju**

Broj: 16 - 1-24684
Sarajevo, 27-07-2026

Int. br.: _____/26

**STRUČNA NEMEDICINSKA DISCIPLINA
SEKTOR PRAVNIH POSLOVA, OBRAČUN PLAĆA I SOCIJALNI RAD
Služba za pravne poslove
N/r. Nejra Žiga, dipl.prav.**

PREDMET: Izjašnjenje, dostavlja se

Poštovani,

Shodno Vašem dopisu br. 55-04-4-19888-1 od 22.07.2026. godine, a povodom inicijative zastupnice u Skupštini Kantona Sarajevo Mersihe Mehmedović kojom se predlaže da se među besplatne zdravstvene usluge tercijarnog centra dječije hirurgije uvrsti i cirkumcizija bez medicinske indikacije, dostavljamo sljedeće stručno mišljenje:

Klinički centar Univerziteta u Sarajevu, kao najveća tercijarna zdravstvena ustanova u Bosni i Hercegovini, svoju djelatnost zasniva na načelima savremene medicine zasnovane na dokazima, prema kojima se dijagnostički i terapijski postupci provode isključivo na osnovu jasno definisanih medicinskih indikacija. Osnovna misija tercijarne zdravstvene zaštite jeste dijagnostika i liječenje bolesti, urođenih anomalija i povreda, kao i zbrinjavanje najsloženijih hirurških stanja koja zahtijevaju visok nivo stručnosti, multidisciplinarni pristup i specijalizovane resurse.

Klinika za dječiju hirurgiju Kliničkog centra Univerziteta u Sarajevu svoju djelatnost obavlja na lokalitetu jednog bolničkog odjeljenja koje raspolaže sa devet bolesničkih soba i ukupno 25 bolničkih kreveta. Uprkos ograničenim prostornim i kadrovskim kapacitetima, Klinika pruža sekundarni i tercijarni nivo zdravstvene zaštite djeci uzrasta od rođenja do navršenih 18 godina života iz većine kantona Federacije Bosne i Hercegovine, uključujući Kanton Sarajevo, kao i za dio pacijenata iz istočnog dijela Republike Srpske. Svakodnevno se zbrinjavaju hitna hirurška stanja, teške kongenitalne anomalije, onkološka oboljenja, traume i druga kompleksna oboljenja iz oblasti dječije hirurgije.

Uvrštavanje cirkumcizije bez medicinske indikacije među redovne i besplatne usluge tercijarne zdravstvene ustanove značilo bi angažovanje ionako ograničenih operacionih termina, bolničkih kapaciteta, anestezioloških timova i stručnog kadra za zahvate koji nisu medicinski indicirani. Takav pristup mogao bi negativno uticati na dostupnost zdravstvene zaštite djeci sa stvarnim medicinskim potrebama, produžiti liste čekanja za operativno liječenje i umanjiti efikasnost pružanja tercijarne zdravstvene zaštite.

Potrebno je naglasiti da se cirkumcizija kod djece sa jasno utvrđenom medicinskom indikacijom (patološka fimioza, rekurentne infekcije, balanitis xeroticus obliterans i druga medicinski opravdana stanja) već obavlja u okviru redovne djelatnosti Klinike, u skladu sa važećim stručnim smjernicama i principima dobre kliničke prakse.

S obzirom na navedeno, stručno je mišljenje da izvođenje cirkumcizije bez medicinske indikacije ne predstavlja djelatnost koja pripada prioritetima tercijarne zdravstvene zaštite niti je u skladu sa osnovnom misijom Kliničkog centra Univerziteta u Sarajevu. Prioritet rada tercijarne zdravstvene

ustanove mora ostati pravovremeno i kvalitetno liječenje djece sa bolestima, urođenim anomalijama i povredama koje zahtijevaju visoko specijalizovanu zdravstvenu zaštitu.

Uvažavajući pravo roditelja na donošenje odluka koje proizlaze iz vjerskih, kulturnih ili ličnih uvjerenja, smatramo da postupci koji nisu medicinski indicirani ne bi trebali biti finansirani niti organizovani na teret ograničenih kapaciteta tercijarne zdravstvene ustanove čija je osnovna funkcija liječenje oboljele djece i pružanje najsloženijih oblika zdravstvene zaštite.

S poštovanjem,


KOLEGIJ KLINIKE ZA DJEČIJU HIRURGIJU

Za Kolegij

Šef Klinike za dječiju hirurgiju
Prof.dr. Zlatan Zvizdić



2
Direktor Hirurške discipline
Prof.dr.



KLINIČKI CENTAR UNIVERZITETA U SARAJEVU
KLINIKA ZA DJEČIJU HIRURGIJU

Dostavljeno:

- Naslovu
- Klinika za dječiju hirurgiju
- a/a KCUS